



BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM

Komisija za ostvarivanje ravnopravnosti spolova u BiH

Broj: 01/8-011-1754/03

Dana, 6.4.2004. godine.

Z A P I S N I K

5. sjednice Komisije za ostvarivanje ravnopravnosti spolova u BiH, održane 11.12.2003. godine, s početkom u 10,00 sati.

Sjednici Komisije prisustvovali su:

- Jozo Križanović, predsjedavajući Komisije,
- Ljiljana Milićević, prvi zamjenik predsjedavajućeg Komisije
- Nadžida Mlaćo, drugi zamjenik predsjedavajućeg Komisije,
- Ivo Lozančić, član Komisije,
- Seada Palavrić, član Komisije,
- Jelina Đurković, član Komisije,
- Abdulah Nakaš, član Komisije.

Odsustvovali su: dr. Nijaz Duraković i dr. Azra Hadžiahmetović, članovi Komisije. Svoj izostanak dr. Azra Hadžiahmetović je opravdala izjavom da je u vrijeme održavanja sjednice Komisije bila na službenom putu u Londonu.

Sjednici su prisustvovali predstavnici: Ministarstva za ljudska prava i izbjeglice BiH, Komisije za jednakost spolova Doma naroda i Predstavničkog doma Parlamenta Federacije BiH, Odbora za društveni položaj žene i ravnopravnost među polovima Narodne skupštine Republike Srpske, Gender centra Federacije BiH i Gender centra Republike Srpske, OHR-a, OSCE-a, UN OHCHR-a, UNICEF-a, IHRIG-a, Stability pact-Gender Task Force, Asocijacije za seksualno i reproduktivno zdravlje Sarajevo, kao i nevladine organizacije: «Medica» Zenica, «Žene s Une» iz Bihaća, «Žene ženama» iz Sarajeva, «Udruženje žena BiH» iz Mostara, BH inicijativa žena Sarajevo, Fondacija lokalne demokratije iz Sarajeva, «Udružene žene» Banja Luka, «Lara» iz Bjeljine, Helsinški parlament građana iz Banja Luke i dr.

Za sjednicu je usvojen slijedeći:

D n e v n i r e d:

- 01. Usvajanje zapisnika s 4 sjednice Komisije,**
- 02. Javna rasprava o Izvještaju o primjeni Konvencije o ukidanju svih oblika diskriminacije žena u Bosni i Hercegovini (CEDAW),**
- 03. Tekuća pitanja.**

Ad. – 1. Usvajanje zapisnika s 4. sjednice Komisije

Nakon usvajanja dnevnog reda, predsjedavajući Komisije, Jozo Križanović predložio je raspravu i usvajanje zapisnika sa 4. sjednice Komisije. G-đa Jelina Đurković je tražila da se u zapisniku konstatuje da ona nije bila prisutna sjednici, a u zapisniku stoji konstatacija o prisustvu.

Nakon ove primjedbe, predsjedavajući Komisije predložio je usvajanje zapisnika, pa je Komisija jednoglasno usvojila zapisnik 4. sjednice Komisije s dopunom o neprisustvovanju sjednici g-đe Jeline Đurković.

04. Ad. – 2. Javna rasprava o Izvještaju o primjeni Konvencije o ukidanju svih oblika diskriminacije žena u Bosni i Hercegovini (CEDAW),

U uvodnom izlaganju za drugu tačku dnevnog reda, predsjedavajući Komisije Jozo Križanović, ukazao je na činjenicu da Izvještaj o primjeni Konvencije o ukidanju svih oblika diskriminacije žena u Bosni i Hercegovini (CEDAW) priprema Vijeće ministara BiH za Organizaciju Ujedinjenih naroda. Obaveza Komisije je da razmatra predložene zakone i druge propise sa stanovišta jednakosti spolova i sprečavanja diskriminacije žena, pa je korisno i ovaj Izvještaj da se razmotri. Osnovni cilj održavanja javne rasprave je analiza teksta Izvještaja i prezentacija kritičkog osvrta na njegov sadržaj, s ciljem poboljšanja kvaliteta teksta. Obaveza svake države koja je potpisnik Konvencije o ukidanju svih oblika diskriminacije žena, a time i Bosne i Hercegovine je da informira Organizaciju Ujedinjenih naroda o stanju primjene Konvencije. Komisija za ostvarivanje ravnopravnosti spolova, zajedno sa prisutnim predstavnicima organizacija i institucija vladinog i nevladinog sektora treba kritični osvrnuti se na tekst Izvještaja. Predložio je diskusiju o tekstu Izvještaja, koji je sada u radnoj verziji, a njegovo lektorisanje i pravljenje u četiri jezičke varijante će kasnije uslijediti.

U raspravi o ovoj tački dnevnog reda učestvovali su prisutni članovi Komisije i gosti.

G-đa Đuderija Saliha iz Ministarstva ljudskih prava i izbjeglica Bosne i Hercegovine je upoznala prisutne s Izvještajem. Ona je istakla da se s njegovim donošenjem kasni. Nakon procedure u organima Bosne i Hercegovine Izvještaj će se dostaviti UN Komitetu za eliminaciju svih oblika diskriminacije nad ženama.

G-đa Jasna Bakšić Muftić je dala svoje zapažanje o Izvještaju s pozicije pravnog eksperta koji je učestvovao u njegovoj izradi. Podsjetila je da je Jugoslavija 1986 godine slala svoj Izvještaj, a sada trebamo i mi kao član UN. Pohvalno se izrazila za tekst Izvještaja i zaključila da će on biti dobra osnova izrade Državnog plana akcije po Pekinškoj deklaraciji.

G-đa Ljiljana Milićević je istakla da Izvještaj ne treba imati «našminkanu» situaciju u BiH, već treba realno prikazati trenutno stanje. Izvještaj pokazuje dosta teško stanje, ali ono nije toliko teško da bi smo trebali biti razuočarani njime. Neke «demokraskije» države od BiH imaju gore stanje u ravnopravnosti spolova.

G-đa Jelina Đurković se interesirala o učešću nevladinih organizacija u izradi Izvještaja. Smatra da neke konstatacije ne odgovaraju realnom stanju u Republici Srpskoj.

Toj konstataciji se priklonila i g-đa Spomenka Krunić, direktor Gender Centra Republike Srpske. Ona je upoznala prisutne o naporima njenog centra na utvrđivanju stanja o ravnopravnosti spolova i podsjetila da posjeduju dosta svježih podatke o tome.

G-đa Klelija Balta je ukazala na potrebu dorade Izvještaja, posebno u dijelu koji govori o Tripartitnom vijeću..

G-đa Idžaković se založila da se u Izvještaj unesu podaci o nasilju nad ženama. G-đa Jasminka Džumhur je ukazala na mnoge propuste i tražila doradu Izvještaja. Posebno je ukazala na manjkavosti u slijedećim tačkama: 13., 34., 36., 45., 59., 60., 71., 146., 160. i 190.

G-đica Nadžida Mlačo je ukazala na verliki značaj Izvještaja, te potrebu da se u njemu iskažu i podaci o ženama povratnicama.

G-đa Ana Jakšić je ukazala na aktivnost Gender Centra Federacije BiH u ovoj djelatnosti, te ponudila i drugu pomoć da bi Izvještaj bio što objektivniji i kvalitetniji.

G-đa Marijana Dinek je ponudila pomoć nevladuinih organizacija u temeljitoj izradi Izvještaja. Ona ima zamjerke u Izvještaju jer isti nije ukazao na neimplementiranje donesenih zakona, te utjecaj MMF ili Svjetske banke na cjelokupno društvo. Ukazuje na nedostatak žena u ambasadama BiH, kao i diskriminaciju žena u zapošljavanju, a to treba biti navedeno u Izvještaju.

U raspravi su, također, učestvovala: Nuna Zvizdić, Indira Topčagić, Jasmina Mujezinović, Emina Kupusija kao i druge učesnice.

G. Nagradić Slobodan, pomoćnik ministra za ljudska prava je istakao da je očekivao primjedbe na ovoj raspravi, te se na istim zahvaljuje jer će one dobro doći u pravljenju konačnog teksta Izvještaja.

Predsjedavajući Komisije, g. Križanović je pratio raspravu i usmjeravao je ka donošenju konstruktivnih zaključaka. Zaključujući diskusiju, predložio je, a **Komisija usvojila slijedeće zaključke:**

ZAKLJUČCI

1. u toku rasprave o Izvještaju iskazano je dosta primjedbi i sugestija na tekst, što znači da tekst Izvještaja treba doraditi,
2. prisutni ovoj sjednici, ako smatraju potrebnim, trebaju do kraja 2003. godine, dostaviti eventualne primjedbe i sugestije Ministarstvu za ljudska prava i izbjeglice BiH, da bi ih ono obradilo i time sačinilo potpun Izvještaj.

Ad. – 3. Ostala pitanja

Za ovu tačku dnevnog reda, nije bilo nikakvih podataka niti prijedloga rasprave.

Završavajući ovu tačku dnevnog reda, Komisija je završila svoju 5. sjednicu. Sjednica je završena u 13 sati.

SEKRETAR KOMISIJE

dr. Zijad Hasić

PREDSJEDAVAJUĆI KOMISIJE

Jozo Križanović